



**MISI ILMIAH:** Lawatan ke Saraswati Learning Center, sebuah sekolah kanak-kanak berkeperluan khas.



**BERMANFAAT:** Bersama penyelaras Sekolah Alam Bandung.



**ALBUM:** Ahli CFC UMS di Fakulti Psikologi Universiti Padjajaran, Jatinangor, Indonesia.

# Misi ilmiah pelajar UMS ke Indonesia

Memberi pendedahan kepada pelajar mengenai budaya dan cara hidup masyarakat di luar negara

**UB 28.06.2024 P.04**

**KOTA KINABALU:** Seramai 19 pelajar dari Kelab Psikologi Kanak-kanak dan Keluarga (CFC), Fakulti Psikologi dan Pendidikan (FPP) Universiti Malaysia Sabah (UMS) mengadakan lawatan ilmiah ke Indonesia baru-baru ini.

Lawatan selama lapan hari bertemakan 'International Relation Program (IRP) itu turut disertai tiga pensyarah pengiring.

Objektif utama program adalah untuk memberikan pendedahan kepada pelajar mengenai budaya dan cara hidup masyarakat di luar negara.

Selain itu, ia memberi pendedahan bidang psikologi kanak-kanak dan keluarga menerusi lawatan ke pusat kanak-kanak berkeperluan khas dan universiti terpilih.

Penasihat Kelab CFC, Dr. Suwaibah Zakaria, berkata

program IRP merupakan acara tahunan kelab berkegiatan yang diadakan sejak 2013.

Katanya, program dikendalikan hampir seratus peratus oleh ahli majlis tertinggi dan majlis eksekutif CFC.

Antara negara yang dikunjungi kelab ini termasuk Korea Selatan, Brunei Darussalam, Singapura, Thailand, Taiwan, Australia dan yang terkini Indonesia.

"Setiap tahun, CFC menjelajah ke negara pilihan mereka bagi meneroka ilmu baharu dan menimba pengalaman berharga.

"Ia sebagai sebahagian proses pembelajaran sepanjang hayat yang tidak boleh diperolehi dalam dewan kuliah," katanya.

Sementara itu, Dekan FPP UMS, Profesor Madya Dr. Soon Singh Bikar Singh berkata penganjuran program

itu memberi pemahaman dan pengalaman mendalam kepada pelajar mengenai cabaran dalam penganjuran sesuatu program.

"Matlamat utama program untuk melengkapkan pelajar dengan pengetahuan dan pengalaman diperlukan untuk mengemudi bidang yang kompleks dan mencabar di masa hadapan," katanya.

Terdahulu Pengarah Program IRP, Qistina Alya

Jamaluddin, menyeru rakan pelajar untuk terus menghayati semangat inovasi dan kebolehsuaian dalam menghadapi perubahan landscape pendidikan sentiasa berubah.

"Pengalaman daripada program ini telah melengkapkan peserta dengan ke-

mahiran diperlukan untuk menghadapi cabaran masa depan dengan penuh yakin," katanya.

Turut menyertai program itu Ketua Program Psikologi Kanak-kanak dan Keluarga, Dr. Nur Farhana Ardillah Aftar dan Felo Siswazah, Nurul Shafira Adi.